



Nunavut Aviktuqhimayumi Havakviat  
Titiraqaqviat 2200  
Iqaluit, NU, X0A 0H0

October 8, 2021

Sharon Ehloak  
Aulapkaiyiryuaq  
Nunavunmi Parnaiyit Kamissin  
Titiraqaqviat 1797  
Iqaluit, NU, X0A 0H0

**TALVUUNA: Titiraqhimayuq Uqauhiit Tuniyauhimayuq 2021-mi Iniqtauyughami  
Nunavunmi Nunanik Atuqtittiniqmut Parnaiyautit**

Haluu Sharon:

Kivgaqtuqhugit Kavamatuqakkut Kanatami, iliqahiutihimayut uiguaq uqauhirmut tuniyauhimayuq, "Kavamatuqakkut Kanatami Uqauhiit Pitquhimayaillu 2021-mi Iniqtauyughami Nunavunmi Nunanik Atuqtittiyut Parnaiyautait (Parnaiyautik). Hapkua ikayuqtigihutik kavamatuqanut tuniyauhimayuq katitiqhimayuq ihumainik taapkua Kuinkivgaqtii-Nunaqaqqaqhimayut Ukiuqtaqtumiullu Ikayuqtii Kanatami, Ingilrayuliqiyit Kanatami, Avatiliqiyit Hila Aallannguqpalliayumilu Kanata, Pulaaqtaqviiit Kanata, Havakviat Nunaptingni Anguyaktit, Pitquhiuyunik Pivighaliqiyit Kanatami, Havakviat Iqalliqiyit Taryuliqiyillu, Nunaqyuami Hanavalliayut Kanatami taapkualu Kaniitian Taryumi Annaktit talvuuna iniqtauyughanit parnaiyautinit. Maligaliqiyit Kanatami tuniqhiihimainnaqtut tunihimayainik.

Kavamatuqakkut Kanatami ihivriuliqtaat taamna 2021 iniqtauyughaq Parnaiyautik aniguqtiaugami July 8-mi, 2021-mi, ilittuqhihimaplutik ihuinaarutinik, ilangi ihuaqhaqtauhimayut aniguqvianit "ihuaqhaqtauhimayum" September 1-mi, 2021-mi. Hapkua atuqhugit, kinguvaqtittiyullu ihuaqtighanik alruyaqtukkuqtut nunauyat hanayauplutik, ayuqhautauvaktut ihivriuqhiyunut ihuilitauplunilu ihivriuqhiyunut. Talvuuna, Kavamatuqakkut Kanatami iniqhinahuaqtut huli qauyihaiyaanik ihumagiuglit nutaat pitquyauhimayut naunaitkutallu iliqahiutihimayut ihuaqhaqtauhimayumi alruyaqtukkuqtunik nunauyanit. Aallat uqauhiit kavamatuqakkut havakviinit tuniyauvangniat qauyihaivaghutik, taamnalu inuit naunaitkutaghaat angmaumatillugu.

Ilitarihimayaqqut taapkua qaffiuyut Kavamatuqakkut Kanatami pitquhimayait 2017-mit 2018-millu iliqahiutiayauhimayut 2021-mi Parnaiyautinut. Ihumaaluutiqaqqtut huli, ilittuqhitihimayutut uiguanguyumi. Kavamatuqakkut Kanatami aghuuqhaqtait Nunavunmi






Parnaiyit Kamissingat, katimatjutautaaqqat, havaqatigyaamik ilauyut ihuaqhaqtahimayunut iniqtauyughami Parnaiyautinit.

Kamissin-kut havauhiit, titiraqhimayutut talvani Nunavunmi Angirutinit talvanilu *Nunavunmi Parnaiyit Havaaghaniklu Qauyihiayit Maligait*, atuqtuvaktuq Kuin kivgaqtiiinit aniguqtittiyaaamik havaaghainik katimaqatigyaamik Nunaqaqqaaqhimayut. Kavamatuqakkut Kanatami havaqatauhimmaaqtut Kamisinkut havauhiinit, naalaghugit nunaqaqqaaqhimayut ihumaaluutait qanuqlu ihuaqhaqtaulaariaghaita. Kamisinkut kingulliqpaat iniqtauyughaq parnaiyautik, tuniyauhimayuq ilauyunut, taapkualu Kavamatuqakkut Kanatami ilittuqhitiit taapkununnga ihumaaluutinut ihuaqhautighallu, naunaiqhitivaktuq kavamatuqanit ihumaliuqtinik qauyihaipkaqhugit ihuaqnita Kuin kivgaqtiiit katimaviit, ihumaliurutaupluniilu Ministamut ihumagiyauvaghunilu Ataniqtuqtuiyumi-Katimayinit. Kavamatuqakkut Kanatami aghuuqhutik Nunaqaqqaaqhimayunik ihumagillaquaquyait naunaiqhitiniqmik Kamisinmik naunaitkutanik tamangnik qauyihiayaamik iniqtauyughanik parnaiyautinik, qanuqlu ihuilutauniariaghaat pilaarutainik ihumagiyaainiklu, taapkualu ilanga 35-mut pilaarutit.

Numiktitauliqtut Uiviititut, Inuktitut Inuinnaqtullu tuniyauniqghutiklu Kamisinmut qilamiurahuaqlutik.

Ilivit havaqatitillu apiqhuutighaqaruffi titiqqanut, qilamiuqlutik hivayaqlugu Spencer Dewar, Pivighanik Atannguyaq, talvani (867) 975-4546 uvangaluuniit talvani (867) 975-4501.

Pittiaqnikkut,



A handwritten signature in blue ink, appearing to read "Krista Henriksen". Below the signature, there is a stylized initials "A/H".

Krista Henriksen  
Aviktuqhimayumi Aulapkaiyiryaq  
Nunavunmi Aviktuqhimayumi  
Kuin Kivgaqtii]-Nunaqaqqaaqhimayut Ukiuqtaqtumiullu Ikayuqtiiit Kanatami

## **AULAPKAIYIRYUAM NAUNAITKUTAIT**

Kavamatuqakkut Kanatami ihivriuqhiyut taapkuninnga 2021 Iniqtauyughat Nunavunmi Nunanik Atuqtittiniqmut Parnaiyautit Nunavunmi Parnaiyit Kamissingat Inungnik Katimapkaiyut: November 2021-mi

Kavamatuqakkut Kanatami ilitarihimayait havaangit iniqniaqhimayainiklu Kavamatkut Nunavunmi, Nunavut Tunngavikkut Timingat, amihuuyullu ilauhimayut naunaiqhitiplutik, unniqtuiputik pitquiiputiklu Kamisinmut havaghutik iniqtauyughanik parnaiyautinik. Kavamatuqakkut ihivriuqhimayaat 2021 Iniqtauyghaq Nunavunmi Nunanik Atuqtittiniqmut Parnaiyautinik (inqtauyughaq parnaiyautik) hapkualu tuniyauyughat iniqhugit Kamisinmut atuqhugu nutaaq iniqtauyughaq (aniguqtiauhimayuq September 1-mi, 2021). Una tuniyauyughaq uqauhilik pitquhimayuniklu ikayuutighait Kamissinkut kingulliqpaanik Parnaiyautinik titiraqhutik tuniyauyughat angiqhimayunut ilauyunut.

Kavamatuqait Kanatami ihumayut taimaa katimaqatigiighutik Kamisinlu ahiillu ilauyat, ihumaaluuqtiyavut tuhaqtitaghut ihuaqhaqtaulaaqtut hapkunani iniqtauyughanit parnaiyautinit. Aghuuqhugit Kamisinkut inighaqaqtittiyaamik ikayuqtigiktumik havagiamik inungnik katimapkitaarumik, taapkualu tamangnik ilauyat tuhaqtittihimagumik uqauhiunik ihumaaluuutingnut tuhaqtittihimayaptingnik, taimaa Kamisinkut kingulliqpaanik ihuaqhaiyumaatqutq ihuatqiyauniarunaqhiyunik ikayuqtauyughanik Parnaiyautinik.

### **Ilittuqhitit**

Ilanga 1 ilittuqhitiyuq tuniyauyughanik uqauhirnik tuhaqtittivaktuq iniqtauyughanut Parnaiyautinik. Hamani maliktauyughanik ikkuaqtuitigiyait Kavamatuqakkut Kanatami ihivriuqhiplutik hivullirnik qatanngutinik Nunavunmi Nunanik Atuqtittiniqmut Parnaiyatinik hivulliqniklu ihumagiayainik 2021-mi iniqtauyughanik Parrnaiyautinik. Uqauhiit iliqahiutihimayut ihuaqhautinut hapkunani iniqtauyughanit Parnaiyautinit Uuktuqtaghallu Pitquyauhimayullu titiqqat, taimaalu tuhaqtittivaktuq naittumik ihumaaluuqtiyainut Kavamatuqakkut Kanatami.

### **Amihuuyut ihumaaluutit Ihuaqhaqtauyughat**

Ilanga 2 ilittuqhitiyuq amihuuyunik ihumaaluuutinik ilittuqhitiyauyughat ihuaqhaqtauyughallu Kamisinmit Parnaiyautit tuniyautinnagu angiqtauyughaq. Naittuq naunaitkutit iluliinik tamangnut titiraanut titiraqhimayut ataani.

- **2.1: Uyaraghiuqtut, Atuqtauyut Pilaarutit, Hapumminiqlu** ilittuqhitiyuq ayuqhautinik kikliliurniqmut munarahuahqhugit tuktuit nayugait tajja pilaarutainit Iniqtauyughanit 2021-mi Parnaiyautinit. Hamani titiraqhimayut ilittuqhitivaktuqlu ayuqhautinik atuqtittiyaamik ilauyat tajja pilaarutainut tajjalu titiraqhimayutut, pitquyauhimayullu titiraqhimayut ikkuaqtuitighat tajja pilaarutait mighaagut talvani iniqtauyughanit Parnaiyautinit.
- **2.2: Tuktuit Taryumi Ikaaqviit** ilittuqhitiyuq Kavamatuqakkut Kanatami ihumaaluutainik talvuuna tughirautauyunik Parnaiyautinit Pitquyauhimayunik tuktunut taryumi ikaaqviinit, ilittuqhitivaktuqlu nunaqyuaptingni ihuilutauyunik, tughirautauyunik Parnaiyautinit Pitquyauhimayunit, ilittuqhitivaktuqlu ilanganik naunaittiaqhimayughanik, pitquyaghanullu ihumagiayghanik naunaiqhittiaqhimayunit Parnaiyautinit Pitquyauhimayunik munariyaamik tuktuit taryumi ikaaqviit.

- **2.3: Ukiuqtaqtumi Taryumi Hikuilruq** unipkaarivagaat nunaqyuaptingni ihuilutauuyut mighaagut nutqautauyunik talvani Sarvaryuaq taamnalu Pikialaorsuaq, uqauhiiniklu titiraqhimaquiyut taimaa Kavamatuqakkut Kanatami iniqhinhuaariamik nunaqyuaptingni havaaghainik talvani aviktuqhmayumi taryumi ahiittumilu manighiurvingmi.
- **2.4: Nunapteringni Taryuliqiyit Hapummiviit** ilittuqhitivaktuq Parnaiyautinit pitquyauhimayut atuqtittiyaamik Tallurutiup Imanganik, pitquyauhimayullu tajja nutqautauyunut, Tikitaqtut Hurutjat Nayugainit ataagut taamna Nunauyaq A Naunaitkutaq 1-lu iniqtauyughanit Parnaiyautinit, uqauhighallu ilanga 3.1.2-mi iniqtauyughanit Parnaiyautinit Kamisinkut ihumagiyaghaat.
- **2.5: Aulapkaiyut Havakvianik Anguyaktit Nayugainik** ilittuqhitiyuq ilanginnik ayuqhautainik atuqtauvaktut atuqtittinahuaqhatik iniqtauyughanik Parnaiyautinit pitquyauhimayut ataagut ilanga 4.7, ilittuqhitivaktuq ayuqhautinik atuqtittinahuaqtunik nunanik kipuutiyunik anguyaktit ikluqpautiqarvianit, pitquyauhimayunklu tuhaqtittivaktuq qanuq Kamisinkut havagiaghainik ihuaqhainahuaariamik ayuqhautinik.
- **2.6: Kipuutiyut Nunanik Atuqtittiyut Hapummihimayunik** ilittuqhitivaktuq Kavamatuqakkut Kanatami ihumaaluutainik kipuutiyunik nunanik atuqtittiyunik hapummihimayunik talvani iniqtauyughanit Parnaiyautinit pitquhmayullu tuhaqtittivaktuq naunaiqhitinut kipuutiyunut ilittuqhitivaghunilu Parnaiyautinit Pitquyauhimayunik.
- **2.7 Tukliriiktut Ikluqpautinut Pihukviit** iittuqhitivaktuq titiraqhimaquiyut tukliriiktunut ikluqpautinut talvani iniqtauyughanit Parnaiyautinit pitquipluni qaffinik aallannguqtqaghanik ikayuriamik manighiuqtut hanavalliayut ihuaqhainahuaamiklu kipuutiyunik nunanik atuqtittiyunik.
- **2.8: Kuvihiyut Taryumi** naunaiqhitivaktuq ilittuqhitivaktuq naunaitkutanik kuvihiniqmut taryumi ilittuqhitiyauhimayutut talvani *Kanatami Avatinik Munaqhiyut Maligait, 1999*, ilittuqhitivaktuq ihuilutinik talvani iniqtauyughanit Parnaiyautinit nutqautainut kuvihiyut taryumi mighaagut, pitquivaghutiklu tughirautauyunit Parnaiyautinit Pitquyauhimayut hapkuninnga nutqautinik iliqahtiutihimayunik.

#### **Pitquyauhimayut Naunaitiarniqmut Nalaumaniqmullu**

Ilanga 3-mi ilauuyut qaffiuyut pitquyauhimayut ihuaqhautaulaaqtut naunaiqhittiarnianut nalaumanianullu iniqtauyughaq Parnaiyautik. Hapkua pitquyauhimayut ilauuyut:

- Uqauhiit atuqtaunahuat atauttikkuqtughat iniqtauyughanit Parnaiyautinit talvungalu *Nunavunmi Parnaiyit Havaaghaniiklu Qauyihiyut Maligait* taamnalu Nunavunmi Angirutit;
- Ihuaqhautit havaaghainut Parnaiyautinit Pitquyauhimayunut;
- Naunaiqhitit Parnaiyautinit Pitquyauhimayunut, ahiittut pitquyauhimayunut, qanuqlu titiraqhimaaghait iniqtauyughanit Parnaiyautinit;
- Aallannguquhimayut naunaiqhitinut ataagut *Uiguaq B* talvani iniqtauyughanit Parnaiyautinit;
- Aallannguquhimayut nalaumayumik ilittuqhitiyaamik nutaatqiyaniq naunaitkutanik talvuuna Tikitaqtut Huratjanut Naunaitkutat Nayugalluangilu;
- Ihuaqhautit uqauhiinut ataagut taamna taryumi agyaqtaqtut ilanganut;
- Naunaiqhitit halumaiyaqhimayut nunat mighaagut, ilittuqhitillu tughirautilu aallannguqtirutighanut; taimaaluu
- Hanalutiklu naunaiqhititjutighanik pitquyauhimayunut ikayuutighait atauttikkuqtut naunaiqhitiyunik havauhiiniklu titraliqiyut ayuqnaiqpaalliqhugit.

**Aallat Ihuilutit, Ungavaqhimayut Ihuaqhaqhimayullu**

Ilanga 4 katiciqhimayunik pitquyauhimayunik ilulilik ihumagiplugit ihuinaarutit, ungavaqhimayut ihuaqhaqtauhimayullu ilitturiyauhimayut Kavamatuqanit Kanatami talvani iniqtauyughanit Parnaiyautinit. Hapkua naunaitkutat pingahunut avighimayuq: ilittuqhilit iniqtauyughamut Parnaiyautinit (ihumagiplugu aniguqtitauhimayuq Sept. 1-mi, 2021-mi), naunaitkutat ihumaaluutinik, pitquyauhimayuqlu. Ihuaqhaqtauhimayut makpiqqam nappaagut aviktuqhimapluni hitamanut: Parnaiyautik, Naunaitkutat Naahautillu, Nunauyat, Uiguallu.